

**90.**

1383 Februar 13

***Stigers Son verpfändet zwei Wiesen.***

*fol. 15r* Wisset das vor unser rat ist komen in unser rat Stigers son und hat Conczen, Erhard Bruckeners eidem, uff gelazin czu phande czwu wisen in Osterwiner gerichtten gelegin<sup>a)</sup> dy Czapphens sint gewest vor sechs schoc gross(chen) uff allir manne fastnacht wider czu losen. Di selbin wisin haben wir dem egnanten Conrad gelien vor daz obgnante gelt, alz phandes rechte ist, und Stiger sol der wisin dicz jar mit allin nucz in gebruchin. Und ob er di wisin uff di obgnante czit nicht losin, dor nach sol ir Conrad Bruckners eidem mit allin nützen gebrüchen,<sup>b)</sup> di wile er yr nicht wider losit und ouch sin phand vor daz egnante gelt sin. Und Stiger sol die wisin bynnen der czit, or ir nicht wider gelost hat, vorschossen. Actum feria quinta ante reminiscere anno domini M° CCC° LXXXIII ut supra.

*a) am rechten Rand, Einfügestelle gekennzeichnet b) folgt durchgestrichen und sullen*

**91.**

1383 März 7

***Katherina Lemberg vermacht ihrem Ehemann ihr Erbe.***

*fol. 15r* Anno domini quo supra ame sunnabenden judica quam vor uns in eynen vollin siczenden rat Katherina, Haneman Lemberges elich wirtin, und hat im mit gutem willin gegeben und uffgelazin alle ire erbe, acker und wisin, di si hat und von erem vater sint angestorbin, wi dy namen haben, dy vom rat zu lehn gen. Dy selbin gut habe wir Haneman Lemberg gelien mit alle den rechten, als si sy im gegeben und uffgelazin hat. Actum ut supra.

**92.**

1383 März 7

***Nickel Slethin verpfändet zwei Gärten.***

*fol. 15r* Anno quo supra quam vor uns in einen vollen rat Nickel Slethin und hat Henneln Frawenreud uffgelazin zu eime phande czwen garten, gelegen by Osterwin vor fumf schoc misner gr. Der garten sol Sletin geniesin und in nucz habin, vorschossin und vorrechten und wenne er di garten wider gelozin mac, so sol sy im Frawenreud umbe fumf schoc wider zulozin gebin. Dy selbin garten habe wir Frawenreuth gelien czu eime phande, alz vor geschr(ieben) stet. Actum sabbato ante Jucica.